



Headline	Giliran KLHC rampas takhta		
MediaTitle	Utusan Online(www.utusan.com.my)		
Date	29 Mar 2013	Color	Full Color
Section	NEWS	Circulation	300
Page No	6	Readership	8
Language	Malay	ArticleSize	0 cm²
Journalist	N/A	AdValue	RM 1,300
Frequency	Daily	PR Value	RM 3,900

Giliran KLHC rampas takhta

[Link: http://c.moreover.com/click/here.pl?z8478071246&z=1600249527](http://c.moreover.com/click/here.pl?z8478071246&z=1600249527)

KUALA LUMPUR - Juara bertahan, Kelab Hoki Kuala Lumpur (KLHC) merampas kedudukan pendahulu Liga Hoki Malaysia 2013 daripada Maybank selepas menewaskan lawan 4-3 di Stadium Hoki Nasional, Bukit Jalil, semalam. KLHC yang melonjak dengan memungut tujuh mata daripada tiga perlawanan dan berkelebihan satu mata berbanding Maybank, beroleh gol pendahuluan menerusi jaringan sudut penalti Razie Rahim, minit ketujuh. Mereka menggandakan kelebihan gol, seminit kemudian hasil jaringan Akhtar Ali daripada hantaran Nabil Fiqri Mohd. Nor dari sebelah kanan sebelum Maybank merapatkan jurang menerusi Syafiq Mohammad Zain pada minit ke-34. Muhammad Umar Bhutta kembali melebarkan kedudukan KLHC kepada 3-1 pada minit ke-41 diikuti jaringan Akhtar buat juara bertahan, tiga minit kemudian biarpun Maybank sempat bangkit dengan dua lagi gol melalui Dick Cheny Walli dan Muhammad Irfan (59 dan 66). Sementara itu, Tenaga Nasional Berhad (TNB) melonjak ke tangga ketiga liga untuk mengekori Maybank dengan mengutip kemenangan sulung setelah menundukkan Universiti Kuala Lumpur (UniKL) 4-2, juga di Bukit Jalil. TNB yang diikat Terengganu 4-4 dan KLHC 3-3 sebelum ini, mendahului 3-0 sehingga berakhir babak pertama hasil jaringan menerusi Firhan Ashaari pada minit ke-18, Mohd. Amin Rahim dan Faisal Saari, minit ke-20 dan 37. UniKL memasuki babak kedua dengan terus tertekan akibat jaringan keempat lawan, kali ini menerusi pukulan separuh voli Shahril Saabah, minit ke-56, sebelum sempat merapatkan jurang hasil dua gol Mohd. Noor Faez Ibrahim, minit ke-61 dan 70. "Kemenangan sulung ini cukup penting setelah hanya seri dua perlawanan lalu. Perubahan sedikit strategi yang mengikut kemampuan pemain kami, jelas menjadi kali ini," kata jurulatih TNB, Nor Azlan Bakar.